



Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 95. Franciæ edictum pro alienatis Ecclesiarum bonis.

[urn:nbn:de:hbz:466:1-67192](#)

Sæcul. XVI.

A.C. 1564

§. XCV.

*Franciæ edictum pro alienatis Ecclesiastarum bonis.*Thuan. l. 36.
num. 6.

Ineunte hoc anno Salutis nostræ millesimo quingentesimo sexagesimo quarto Carolus IX. Ecclesiasticis diploma concessit, vi cuius bona superiore anno alienata redimere possent, si vili admodum pretio ea divendita fuerint verum Nobiles, & plebejus ordo pro recto Regi supplici libello, ac publice edito intercesserunt, & gravem ea de querelam instituerunt, ad fidem Regis appellantes, & Regiæ auctoritatis interesse contendentes, ut id, quod fide publica propter necessitatem publicam fuit divenditum, penes emptores adempta omni repetitionis spe remaneret: attamen vicit sacri ordinis favor, permisumque Clericis, ut aliis bonis, quæ minus utilia viderentur, justo pretio dividenditis, bona illa vi potius sibi erupta quam publica auctoritate distracta redimerent, qua de re diploma in Senatu recitatum est die vigesima Januarii. Eodem quoque tempore Hospitallius Cancellarius edictum edidit, vi cuius anni initium computaretur a prima Januarii die, cum antehac ejus principium in judicii actis, aliquique publicis scripturis a die Paschali sumere-

tur:

tur: porro sequenti Mense Martio Rex Sæcul. XVI.
Regnum suum lustrare constituens, in A.C. 1564.
hoc itinere Russinonem, urbem Tur-
noniæ Familiæ propriam, Mense Junio
venit, ubi eum Calvinistæ questum adi-
bant, quod male haberentur, et si ob
pacis edictum ipsis non ita pridem con-
cessum ab omni vexatione immunes
esse deberent: ex adverso Catholici jure
querebantur de Calvinistarum violen-
tiis, præcipue, quod obtenta conven-
tus suos agendi libertate abuteren-
tur. Hanc in rem Joannes Begatus
Divionensis Consiliarius vir admodum
clarus Regem eleganti oratione exci-
piebat, eidem exponens, summopere
periculosum esse, quod in eodem Re-
gno duæ diversæ Religiones permitte-
rentur: insuper etiam hac super re con-
cinnabat apologiam, quæ tamen oppo-
sito responso confutata fuit.

§. XCVI.

Novum edictum Russinone promulga- tum pro dilucidando pacis decreto.

Utriusque partis querelas ibi Rex ex- Recueil l.c.
ceperat, seque satisfecisse arbitra- Thuan. l. 36.
batur, si edictum, quod vulgo Rusci- Art 10. de
nonensis Constitutio vocatur, die quarta l'ord. de
Mensis Augusti ederet, quamvis illa Roussilon.
nonnisi explicatio esset eorum, quæ in priori